

à l'endroit du vray Dieu, iufqu'à ce qu'ils foient defabués.

Au refte ces peuples, comme ils font groffiers, ne reconnoiffent point de diuinité purement fpirituelle; ils croyent que le Soleil eft vn homme, & la Lune fa femme: que la nege & la glace eft auffi vn homme, qui s'en va au printemps, & reuiet en hyuer; que le malin efprit eft dans les couleures, les dragons & autres monftres; que le corbeau, le milan & quelques autres oifeaux font des genies, & qu'ils parlent auffi bien que nous: que mefme il y a parmy eux des peuples, qui [56] entendent leur langage, comme quelques vns entendent vn peu celuy des François.

Ils croyent de plus que les ames des Trepaffés gouvernent les poiffons qui font dans le Lac; & ainfi de tout temps ils ont tenu l'immortalité, & mefme la metempsycofe des ames des poiffons morts; car ils croyent qu'elles repaffent dans d'autres corps de poiffons, & c'eft pour cela qu'il ne iettent iamais les arreftes dans le feu, de peur de deplaire à ces ames, qui ne viendroient plus dans leurs rets.

Ils ont en veneration toute particuliere, vne certaine befte chymerique, qu'ils n'ont iamais veuë, finon en fonge; ils l'apellent Miffibizi; ils la reconnoiffent pour vn grand genie, auquel ils font des facrifices, pour obtenir bonne pefche d'esturgeon.

[57] Ils difent auffi que les petites pieres de cuiure, qu'ils trouuent au fonds de l'eau dans le Lac, ou dans les Riuieres qui s'y dechargent, font les richesses des dieux, qui habitent dans le fond de la terre.

I'ay appris, dit le Pere qui a decouuert toutes ces fottifes, que les Ilinioüek, les Outagami, & autres Sauuages du cofté du Sud, croyent qu'il y a vn grand